

ახმეტის მუნიციპალიტეტის საკრებულოს სივრცით-ტერიტორიული დაგეგმარების, ინფრასტრუქტურის და ბუნებრივი რესურსების მართვის კომისიის თავმჯდომარის, სოფელ მატნის მაჟორიტარი დეპუტატის გიორგი მამუჩარაშვილის ანგარიში ერთი წლის გაწეული მუშაობის შესახებ.

მოგესალმებით ჩემო მატნელებო, მოგესხენებათ 2021 წლის 2 ოქტომბრიდან თქვენს მიერ არჩეული ვარ სოფელი მატნის მაჟორიტარ დეპუტატად. მინდა კიდევ ერთხელ გულითადი მადლობა გადაგიხადოთ ნდობის გამოცხადებისთვის. თქვენს მიერ მიღებული გადაწყვეტილება - ჩემი არჩევა ნიშნავს თქვენს ხმას მუნიციპალიტეტის საკრებულოში და მავალდებულებს სათანადო ინსტანციებამდე მივიტანო თქვენი, თითოეული მოქალაქის პრობლემა თუ საჭიროება.

საკრებულო მუშაობას შეუდგა 2021 წლის 3 დეკემბრიდან. პირველივე სხდომაზე კოლეგების მიერ არჩეული ვარ სივრცით-ტერიტორიული დაგეგმარების, ინფრასტრუქტურის და ბუნებრივი რესურსების მართვის კომისიის თავმჯდომარედ. კომისიაში ერთიანდება 10 დეპუტატი როგორც ქართული ოცნების, ასევე ნაციონალური მოძრაობის მონაწილეობით.

კომისიამ ჩემი თავმჯდომარეობის პერიოდში განიხილა 20-ზე მეტი ინფრასტრუქტურული პროექტი. მოიწონა და მოამზადა საკრებულოს სხდომაზე განსახილველად.

ჩემმა კომისიამ უზრუნველყო ახმეტაში არსებული მოედნის და მუნიციპალიტეტის ტერიტორიაზე სხვადასხვა სოფლებში არსებული ქუჩებისთვის სახელების მინიჭება:

1. ქ. ახმეტაში ბიძინა ჩოლოყაშვილის ქუჩაზე არსებულ მოედანს მივანიჭეთ ბიძინა ჩოლოყაშვილის სახელი;
2. აწყურის ცენტრალურ ქუჩას მივანიჭეთ საქართველოს დამოუკიდებლობისთვის მებრძოლი ალექსანდრე სულხანიშვილის სახელის სახელი;
3. სოფელ მატანში არსებულ #18 ქუჩას ეწოდა სამხედრო-სავალდებულო სამსახურში ტრაგიკულად გარდაცვლილი ბაჩუკი ფეიქრიშვილის სახელი;
4. მატანში არსებულ #27 ქუჩას ეწოდა ჭიდაობაში საქართველოში დამსახურებული მწვრთნელის გივი ახალაურის სახელი;
5. მატანში #17 ქუჩას ეწოდა საქართველოს ტერიტორიული მთლიანობისთვის ბრძოლაში დაღუპული მიხეილ ზურაბაშვილის სახელი;
6. მალრაანის ცენტრალურ ქუჩას ეწოდა საქართველოს ტერიტორიული მთლიანობისთვის ბრძოლაში უგზო-უკვლოდ დაკარგული კაკო ბობოქაიძის სახელი;
7. ქისტაურში #16 ქუჩას ეწოდა საქართველოს ტერიტორიული ერთიანობისთვის ბრძოლაში გამირულად დაღუპული ნოდარ არუთინოვის სახელი;
8. ქისტაურში #3 ქუჩას ეწოდა ქართველი მწერლის და საზოგადო მოღვაწის რაფიელ ერისთავის სახელი;
9. ქ. ახმეტაში არსებული იური გაგარინის ქუჩის ნაწილს ეწოდა აფხაზეთის ომში გამირულად დაღუპული გიორგი გამიაშვილის სახელი;
10. ჩაბინაანის ცენტრალურ ქუჩას ეწოდა 1964 წლის ტოკიოს ოლიმპიური თამაშების ბრინჯაოს პრიზისა და ევროპის ჩემპიონატების მრავალგზის პრიზიორის, სპორტის დამსახურებული ოსტატის ფარნაოზ ჩიკვილაძის სახელი;

11. ქისტაურში #6 ქუჩას ეწოდა სამსახურებრივი მოვალეობის დროს დაღუპული მეხანძრე-მაშველის ლევან ოლადის სახელი;
12. მატანში არსებულ #1 და #41 ქუჩებს ეწოდა საქართველოს ეროვნული გმირის ქაიხოსრო (ქაქუცა) ჩოლოყაშვილის სახელი;
13. ალვანში #20 ქუჩას ეწოდა საქართველოს ეროვნული გმირის გიორგი ანწუხელიძის სახელი;
14. ალავერდის ცენტრალურ ქუჩას ეწოდა ალავერდის მონასტრის დამაარსებლის იოსებ ალავერდელის სახელი.

კომისია რეგულარულად ახორციელებს მუნიციპალიტეტის მერიის სამსახურების მიერ შესრულებული ინფრასტრუქტურული პროექტების მონიტორინგს.

აღსანიშნავია ქვეყნის პრემიერ-მინისტრის პროექტი სოციალურად დაუცველი მოსახლეობისთვის სამუშაო ადგილების შექმნის და მათი დასაქმების შესახებ, რომლის ფარგლებშიც აპრილის თვიდან დღემდე დასაქმებულია 55 მატნის მკვიდრი.

არა სახელისუფლებო ორგანოებში ჩემი რეკომენდაციით დასაქმებულია 10-ზე მეტი მატნის მცხოვრები.

წლის საანგარიშო პერიოდში დასრულდა მატნის კულტურის სახლის რეაბილიტაცია, რომელიც ცენტრალური ბიუჯეტიდან დაფინანსდა.

აღნიშნული კულტურის სახლის ავეჯით აღსაჭურვად ვიშუამდგომლე ადგილობრივ ხელისუფლებასთან, საიდანაც არის მზაობა და მიმდინარეობს შესყიდვის სამუშაოები.

ასევე დაგწერე პროექტი კულტურის, სპორტის და ახალგაზრდობის სამინისტროში სასცენო გახმოვანების აპარატურის და სასცენო ფარდის შექმნაზე. მინისტრის გადაწყვეტილებით მივიღე გრანტი რაც განაპირობებს კულტურის სახლის მიმდინარე წლის ბოლომდე სრული დატვირთვით ამუშავებას.

წლის განმავლობაში სოფლის მასშტაბით 8 ქუჩაზე მოვაწყეთ გარე განათების სისტემები, რაც მოსახლეობას მნიშვნელოვნად უქმნის ღამით გადაადგილების კომფორტს.

ჩემს მიერ დაწერილი საგრანტო პროექტით, რომელიც დააფინანსა ახმეტის ადგილობრივი განვითარების ფონდმა უკვე დასრულებულია ტენდერი და იწყება რეკრეაციული პარკის მოწყობის სამუშაოები „მარილისის“ მხარეს. პროექტში თანადაფინანსება გაგვიწია მუნიციპალიტეტის მერიამ. პროექტის ფარგლებში რეკრეაციულ ზონაში მოეწყობა საბავშვო საქანელები, ბაღის მოსასვენებელი სკამები, გადახურული და გადაუხურავი მაგიდა-სკამები.

სოფლის პროგრამის თანხით გასაკეთებელ სამუშაოებთან დაკავშირებით შეხვედრები გავმართეთ მოსახლეობასთან, სადაც მოსახლეობამ პრიორიტეტულობის გზით შეარჩია და მოითხოვა 4 მნიშვნელოვანი პროექტი: გარე-განათების მოწყობა, ხიდ-ბოგირის მოწყობა და სპორტული კომპლექსისთვის ფიტნეს ტრენაჟორების შექმნა, რომლებიც უკვე დასრულებულია. მიმდინარეობს მდინარე მატნის ხეივანზე უბანთა დამაკავშირებელი საცალფეხო ხიდის მოწყობის სამუშაოები.

ადგილობრივი ძალებით მოხერხდა კიდევ ერთი #37 და #38 ქუჩების დამაკავშირებელი ხიდ-ბოგირის მოწყობა.

ადგილობრივი ბიუჯეტიდან დაფინანსდა სამ ქუჩაზე რკინა-ბეტონის სანიაღვრე არხების მოწყობა.

სოფლის მასშტაბით შეიცვალა და დაემატა 20-ზე მეტი სანაგვე ურნა.

მოვაწესრიგეთ „ცხრაკარასთან“ მისასვლელი გზა.

დასასრულს უახლოვდება სასმელი წყლის სარეაბილიტაციო სამუშაოები.

ჩემი შუამდგომლობით 200-ზე მეტმა ადამიანმა ისარგებლა მერიის სამედიცინო და სოციალური პროგრამებით როგორცაა:

მომსახურება	ბენეფიციართა რაოდენობა	თანხა
სამედიცინო კვლევების და ოპერაციების დაფინანსება	95	43219
მედიკამენტების დაფინანსება	28	1017
ლოგინს მიჯაჭვულთათვის პამპერსის საფასურის დაფინანსება	43	2150
აუტიზმით დაავადებულთა დახმარება	1	200
ახალშობილთა ერთჯერადი დახმარება	16	2600
დიალეზზე დამოკიდებულთა გზის ხარჯების დაფინანსება	2	140
უსინათლოთა დახმარება	4	800
ხანდაზმულთა დახმარება	3	450
100 წელს გადაცილებულთა დახმარება	1	1500
ომის ვეტერანთა დახმარება	1	250
შშმ პირთა დახმარება	1	600
დაუნის სინდრომით დაავადებულთა დახმარება	2	400
ტერიტორიული მთლიანობისთვის მებრძოლთა ოჯახის დახმარება	1	300
ბუნებრივი აირის და ელ. ენერჯის გადასახადის დახმარება	10	1000

შეზღუდული შესაძლებლობების მქონე 5 ბავშვს მერიის დახმარებით დავურიგეთ 150 ლარიანი სასურსათო პაკეტი, რომელიც სააღდგომოდ და საახალწლოდ გაიცემა.

აქტიურად ვმონაწილეობ წითელი ჯვრისგან გადმოცემული სასურსათო და საყოფაცხოვრებო პაკეტების დარიგებაში.

ვარ მერიის იურიდიული და სოციალური კვების კომისიების წევრი, სადაც ასევე აქტიურად ვეხმარები მოსახლეობას მოქალაქეობის დადგენის საკითხებში და უფასო კვების პროგრამაში ჩართვაში.

მაჟორიტარობასა და კომისიის თავმჯდომარეობასთან ერთად ვარ მუნიციპალიტეტის საკრებულოს გენდერული საბჭოს წევრიც. ჩავატარეთ გასვლითი სხდომა, დავესწარი რამდენიმე შეხვედრას და ტრენინგს გენდერულ საბჭოს მუშაობასთან დაკავშირებით.

აქტიურად ვარ ჩართული სხვადასხვა სამთავრობო და არასამთავრობო შეხვედრებსა თუ სწავლებებში, საიდანაც მიღებულ ცოდნას აუცილებლად მოვახმარებ მატანს.

აქტიურად ვახორციელებ შეხვედრებს როგორც მერიასთან, ასევე მოსახლეობასთან და ვახდენ პრობლემებისა თუ სხვადასხვა საჭიროების შესახებ ინფორმაციების გაცვლას.

აქტიურად ვესწრები სოფელში მიმდინარე ყველა სახის ღონისძიებას, ეს იქნება სკოლებში, ბაღებში თუ სხვა.

სოციალურ ქსელში შექმნილი მაქვს მატნის გვერდი, რომელსაც პირადად ვმართავ და მოსახლეობას ყოველდღიურ რეჟიმში ვაწვდი სიახლეების შესახებ ინფორმაციას.

მუნიციპალიტეტის მერიაში წარდგენილი მაქვს რამდენიმე მნიშვნელოვანი პროექტი, რომლების განხორციელებაც დაგეგმილია 2023 წლისთვის.

ჩემი საარჩევნო ვადის განმავლობაში დაგეგმილი მაქვს აქტიურად ვითანამშრომლო სოფლის მოსახლეობასთან, მეტად აქტიური გავხადო სპორტული და კულტურული ცხოვრება, დავამატო წრეები, მოვაწყოთ სხვადასხვა სახის შეჯიბრებები თუ კონკურსები. ასევე ვგეგმავ ადაპტაცია გავუკეთო შესაძლებლობა შეზღუდულ პირებს და მაქსიმალურად ჩავერთო სხვადასხვა სამუშაოებსა თუ აქტივობებში.

გთხოვთ აქტიურად ჩაერთოთ მიმდინარე თუ სამომავლო აქტივობების გეგმარება- მიმდინარეობის პროცესებში.

კიდევ ერთხელ გიხდით მადლობას გამოცხადებული ნდობისთვის.

გიორგი მამუჩარაშვილი

